

《中國地方藝文薈萃》編輯會 編

學苑出版社

中國地方藝文薈萃

卷一 第一輯 全

華東卷・第一輯

叁

中國地方藝文薈萃

《中國地方藝文薈萃》編委會 編

第三冊目錄

[illegible]

國朝練音初集十卷首一卷末一卷（二）

國朝練音初集十卷首一卷末一卷（二）

（清）王輔銘輯

據清乾隆八年（一七四三）飛霞閣刻本影印。

國朝練音初集卷九

流寓

嘉定 王輔銘 翌思 采

寓膠 金尚東 翰枚 校

馬 萬

萬字士延長洲人績學善詩詞授徒膠邑與陸
郭亭菊隱侯柵園兄弟洎先大父爲友性僻而
介平日遇其賞心者相與淪茗清吟泠然坐對
移日非是掉頭走匿不顧也嘗歲祲余令餽以
秉粟謝弗受賦詩見志邑人士咸高之後窮餓
以終有旃檀閣風人稿

侯鳳阿先生云君之著述雅有師承詩出王百穀詞出梁伯龍皆其先
世戚友也旣而持擇精嚴匠心入妙清新俊逸中獨能振拔於流俗顧

不自收拾赫號斷簡汗漫敝簾中爲蠹蝕鼠齧者殆半矣予惟吾邑自孟陽從新安流寓詩道大振今擬哀君之集追配松圓惜無有力如牧者齋

濬吳淞江紀事

衆水滙震澤奔流入於海分行凡百里東入膠城界東西自一源南北遂分派三江廢其一二水又如帶厥患匪自今往昔爲民害嘉祐與大德屢築而屢壞先臣周文襄前有海忠介疏鑿得成功賢勞在先代事往功漸湮繼者復安在通津變草莽橫流且澎湃正供繫匪輕何以修猷濬上下四百年於今或永賴作詩記宣房聞者一以快

游王學憲萬竹園訪王西園不遇遇其尊人永侯

名園似人物貴深復貴舊石舊則蒼寒樹深則高秀文
來自人爲骨性由天授吾聞萬竹園十年今始叩主人
實舊游何事不相邁邁乃白髮翁雍容如俎豆雖然髩
髮衰尚覺精神茂指點顧盼餘一編輒相守複道出重
廊板橋通緩溜游當落木時更值重陽候老樹盡紅慙
荒溪尚綠皺層岡萬樹陰葉葉皆寒瘦繁花有靜心古
藤開上壽亭臺廢已多樓閣還遺構小坐辨蘭亭墨痕
鐫篆籀徘徊去不能欲別無乃驟始信商山人風期高
宇宙猶帶晚煙歸夕陽下深甃有約在梅花春初定來
又

題吳孝廉畫虎

摩隄糜蘂寶帚滿把神威在君手惡風過處千林斜卷
地風沙筆下走鐵菴先生鐵作腕腕鐵稜稜在寸管禽
魚花鳥亦何難丹青筆長意苦短画將李耳學辛成董
源色貴不足評伏崖高視意自遠當風舐掌誰敢撓深
山日落躡高步橫行只到無人路曾看活虎越山中画
來如向山中遇大人文變即崢嶸變作龍章落筆成氣
韻自然生萬籟人間狐鼠寂無聲

寓侯太常東園

又見藍田作輞川風廊水榭故依然但留花木還如昔
豈必亭臺遂勝前古瓦有陰藏鼠跡敗垣經雨長蝸涎
自從掩閉風光後池館青青一十年

著行銀杏立東牆
曉對東風晚夕陽
積翠自將雲作頂
浮嵐欲下露沾裳
高樓月轉芸床暗
水館陰移薤簟涼
草木未知人世事
夏初春盡倍蒼蒼

步屨春風每獨行
紫藤花塢聽新鶯
橋邊樹覆藏書屋
門外溪通亞字城
人過清明多酒病
客來亭午有茶聲
元知龍性馴難盡
猶弄漁陽類正平

小院無人蔓草芳
洞門高閣樹聲涼
花飛一片春先減
雨積空林日暗長
自笑銀鈎兼蠶尾
爭如寶劒有魚腸
酒狂詩興都消歇
只愛清齋學太常

和徐克勤先生歸興

欲就微官致一身
世途翻向白頭新
詩留上國曾分陝

論在中朝實過秦絳闕暗收前日夢青山如痛未歸人
荷衣卷却餘香在不是長安陌上塵

不信冰霜不易溫誤將秋草報春暄萍隨惡浪難依梗
雲到深山尚有根野月幾窺新白首煙蕪爭長舊朱門
宵來痛飲東風外又是鐘聲割曉昏

元日訪城西天立和尚和剎齋韻

縱步高城意已閒林西聊復叩禪關行來日暖風輕候
坐在溪幽竹冷間游屐盡隨春色到鳥聲留共夕陽還
殘年束手攢眉况憑仗蒲團一破顏

和答王研存先生

詩來爲我更憂貧野史終慚註逸民心等寒花難拆甲

身同枯樹待芳辰依然月旦憑先輩可奈風流邁等倫
生事只如秋色冷芙蓉原自不宜春

移家後寄舊游

不盡當年黯黯魂擬將心事向誰論何人實下聽猿淚
顧我難酬相鶴恩三月鶯啼芳草路六朝人病落花村
相思只在春江上立盡東風獨掩門

春日訪沈雨公

一春花事調川多病裏相思病後過交最關情知我拙
詩都含怨向誰歌墨池濺瀋生工壑書帶連床間薜蘿
窮達自緣骨相舛逢君未敢歎蹉跎

吳淞竹枝詞

吳淞江上是儂家千畝潭中紅藕花繞岸芙蓉楊柳月
門前枯樹靠魚叉

沈鳴求

鳴求字與可松江人遁跡王菴樂其地皆樹梅
僦數椽居之棄諸生終身不一至城市學者私
謚曰貞愍先生有詩文集子白字濤思別號賁
園善書法

村居感懷

浮家何處是出郭已他鄉髣髴愁中短交情亂後長千
村通戍火百里怯春糧遠樹歸鴉急孤舟傍夕陽
江濱容息影安問有無家栗里初栽柳青門學種瓜扶

犁三月雨插槿半籬花寂歷紅塵遠桃源未敢誇
斜日東風急江潮正打門家人爭採橡野老獨空罇鈴
柝中宵警悲歌白晝昏村村歡解甲沈痛與誰論

沈白

和西隱老松

古寺吾曾到孤標憶老松已知經漢臘寧肯受秦封兀
傲時人節文離處士容風霜巢鸛鶴冰雪護虬龍誰續
宗雷社長懷支許踪巖扉何瑟瑟泉壑自淙淙歲月人
空老風塵客正慵所思惟彼美茲地又相逢共託煙霞
契還攀紫翠茸攢眉君莫笑倚樹聽晨鐘

偕友人飲澹軒

鄰園疎樹好列坐向西牕
簪酒香盈琰江魚白一雙
醉眠欹木榻狂嘯爛銀釭
誰是鹿門侶居然對老龐

花源寄戴南邨

花開爲報故人知肯負煙中雪
萬枝吾友不來頻悵望
空山獨立轉相思微風淡蕩剛吹罷
新月昏黃欲上時
最是寒香留不住蒼茫疎影伴題詩

陳舒

舒字元舒貌奇偉人目爲髯公
詩畫並脩然絕俗自稱平湖人
明末登賢書亦無考僑居嘉定
最久後卒於白下有道山遺稿

賦謝湯愚公贈盆竹

一谷簣簣半鉢收頻添風雨客牀頭清燈繭壁蕭蕭影
淡墨魚牋剪剪秋筆勢鵲飛先入画硯山雲起欲通幽
寒煙消盡梁園恨聊復閒吟寄遠游

鶴鶴圖

已丑端陽日
真際菴題

獨立常存海岱心雲霄清照此遺音要傳健翮來南國
暫借霜巢在上林明月只容窺素抱高風仍許暢元襟
憑他羅網張天下端不輕投愧衆禽

董宏孺

宏孺字君升原籍松江父中行進士官部郎忤
璫被逮下詔獄宏孺隨侍入都號哭道左訴其
父冤抑狀有隱爲申救者得末減其至性動人

如此崇禎末以國子生授山東濱州吏目 國
朝初補崇明訓導僑居膠邑舉鄉飲大賓自號
未孩有集子德華字滋邁歲貢生

除夕次韻酬王研存先生

幽棲何日不苔荒偏向今宵剝啄忙口爲寬通新學佞
項於嚴塾老彌強辦齋剩有楊生菌舉爨唯餘篠幾筐
誰復吹噓到寒谷烏薪一束抵春陽

惠炭

次韻贈柅園

憐君近始出危機茗椀蒲團晝掩扉長史食貧韭種茂
相如善病藥苗肥池塘草夢吟堪續牛耳風流事已非
聞道謝庭方茁玉願翻世譜話烏衣